

## Agnanayon ti lagip ni Ka Oris

Komite Sentral  
Partido Komunista ng Pilipinas  
Nobyembre 2, 2021


**I**sagsagut ti Komite Sentral ti Partido Komunista ng Pilipinas (PKP) ken ti Nailyan a Kuman ti Operasyon ti Bagong Hukbong Bayan (BHB) ti kangatuan a pammadayaw ken ti katibkeran a Nalabbaga a saludo ken Ka Oris (Ka Jorge Madlos), sigud a tagapagsarita ti BHB. Ni Ka Oris ken ti kadwa na a medik, ni Ka Pika ket nadangkes a napapatay idi Oktubre 29, 2021, kabayatana nga agturturong da para iti regular a check-up ken panagpaagas na. Ni Ka Oris ket agtawen 74.

Ti intero a Partido, amin a rebolusyonaryo a pwersa ken gagayyem ti rebolusyonaryo a tignayan ket napalaus nga agladingit iti ipupusay ni Ka Oris. Napukaw ti Partido, ti Bagong Hukbong Bayan ken ti intero a rebolusyonaryo a tignayan ti maysa nga importante a kadre ken mangidadaulo. Ngem awan ti rumbeng a pagrambakan ti kabusor iti panangpapatay da kenkuana. Nabayagen sakbay pay a napatay, ni Ka Oris ket nakaiteden ti inspirasyon, nakapagsanay ken nakapagpapadur-asen ti rinibo a kasukat na. Ti panagmartir na ket ad-adda pay a mangmangted inspirasyon iti agdama ken sumarsaruno pay a henerasyon a ma-ngituloy iti demokratiko a rebolusyon ti umili babaen ti naunday a gubat ti umili.

Idandanon ti Komite Sentral ti agtaud iti kaunggan a pannakipagladinigit ken Ka Maria Malaya, asawa ni Ka Oris, dagiti annak da, kasta met kadagiti kapamilya ken gagayyem da ken Ka Pika. Napalalo a ma-

lidayan ti umili a Pilipino iti pannakatay da. Ti nalawa a masa, nangruna ti saan a mabilang a mannalon ken umili a Lumad a personal a naam-ammo ni Ka Oris iti nasurok lima a dekada ti rebolusyonaryo a serbisyo, ket makarikna ti napalaus a pukaw iti ipupusay ni Ka Oris, kagiddan na ket makapungtot da nu kasano a pinatay dagiti takrot ken awanan-bain a pasista.

Ingge't pigsa a kunkundenaren mi ti Armed Forces of the Philippines (AFP), partikular ti 4th Infantry Division, a nangipatungpal ti marder ken Ka Oris ken Ka Pika ken dagiti simmaruno nga inuulbod nga inapasaknap dagiti upisyal ti militar tapno kaluban dagiti krimen da. Ni Ka Oris ken ti kadwa na ket nakalugan iti motorsiklo ken panpanurnorenda ti kalsada manipud iti sentro ti ili ti Impasug-ong iti prubinsya ti Bukidnon agturong iti national highway idi inambus isuda dagiti soldado ti 403rd Infantry Brigade.



Nalaka koma nga inaresto isuda ti AFP ta agpada da met a saan nga armado ken awan iti pusisyon a lumaban. Ngem ginibusan isuda dagiti pasista iti balbala kas panangipakita ti dangkok a kinatakrot. Awan pulos ti dayaw na ti panangmarder ti awan kalaban-laban na a kabusor. Ti ibagbaga da a ni Ka Oris ket napapatay iti armado nga enkwentro iti yunit ti NPA ket maysa a higante nga inuulbod a pinadakkel ti multi-milyon a panagbomba iti ere iti asideg a bantay tapno parnuayen ti panagbuya nga adda napasamak a nainget a ranget.

Ammo tayo a ti plano a mangpatay ken Ka Oris ket direkta nga inwanwan ti mismo a tirano. Awan duwa a ti pinal a pammilin a patayen ni Ka Oris ket awan sabali a nangipaulog nu saan a ni Rodrigo Duterte. Aggagartem ni Duterte iti panangmarder kadagiti dadaulo ti Partido ken ti NPA iti kamali a pammati da a

magibusan ti rebolusyon babaen ti panangpatay kadagiti dadaulo ditoy. Kaniwas daytoy, ti dara ni Ka Oris ket ad-adda pay a mangpadam-eg ti daga a pagramramutan ken pagrusrusingan dagiti patriotiko, demokratico ken rebolusyonaryo.

Ni Ka Oris ket natay a banwar, a kinattel dagiti pasista bayat nga ilablabaan na ti tarigagay para iti wayawaya ti pagilyan ken kagimongan. Agingga iti maudi nga anges na, ni Ka Oris ket napudno a komunista a kadre ken mannakigubat. Iti nasurok lima a dekada, naan-anay ken awan dudua nga indaton ha ti biag na para iti pannakawayawaya ti amin a maddanes ken magungundawayan nga umili a saklot ti imperyalismo, pyudalismo ken burukrata kapitalismo.

Kas agkabanwag nga aktibista nga estudyante idi masapa a paset ti 1970s, naiduron isuna iti panggep para iti demokrasya ken tignay para iti gimong ken nagub-obra tapno maallangaon ti umili manipud iti kinakurapay ken panagbisin. Timmulong a maorganisa dagiti pada na nga estudyante iti Central Mindanao University Musuan Campus iti Maramag, Bukidnon.

Adda isunan iti maikalima a tawen kas estudyante ti agricultural engineering idi naideklara ti martial law idi 1972 a nangipirmi ti desisyon na a kumappeng iti armado a rebolusyon.

Nakitipon iti New People's Army kas agtutubo ken naibilang iti maysa kadagiti umuna nga iskwad ti Nalabbaga a mannakigubat a nagtignay iti Mindanao. Nagakem ti napateg a papel iti panagdakkel ti NPA idi 1970s agingga 1980s. Manipud iti sumagmamano nga iskwad, dim-



makel ti NPA iti adu a kumpanya kabayatana nagipatungpal da iti trabaho iti intar ti masa, trabaho a militar ken anti-pyudal a dangadang.

Inlaban ti NPA ti interes dagiti masa a pesante ken umili a Lumad (etniko a minority)

ken sinalakniban da ti bagbagi da laban iti armado nga ahente ti estado ti dadakkel a kapitalista a kumpanya ti logging, minas ken plantasyon a nangrabsut ti katalalonan ken ansestral a daga.

Inpraktika ni Ka Oris ti linya ti Partido a demokratiko a rebolusyon ti umili babaen ti naunday a gubat ti umili ken nakita na mismo ti kinaus-to daytoy. Ti Partido ken NPA ket nauneg ken nalawa a rimmamut iti kaaw-awayan. Timmaud dagiti saan a mabilang a porma dagiti rebolusyonaryo nga organisasyon ti masa ken nagserbi a pundasyon para iti panangibangon kadagiti organo ti pampulitika a bileg a nangimaton ken nangiwardas ti pakaseknan ti ekonomiya, pulitika, edukasyon, kultura ken militar manipud iti tukad baryo agpangato. Iti laksid kadagiti pangta ti pasista a panangikuspil, rinibribo ti nagkameng iti Partido tapno tumulong iti panangidaulo iti gubat ti umili.

Natiliw ni Ka Oris idi 1987 kalpasan ti pannakarippuog ti saritaan

iti kappia iti gobyerno ni Corazon Aquino. Naibalud isuna iti lima a tawen. Iti daytoy a panawen, katibok ti kamkamali ti NPA idiy Mindanao kadagiti nasapa unay a regularisasyon ken insureksyunismo nu sadino a dagiti Nalabbaga a mannakigubat ti NPA ket palalo a nakonsentra kadagiti batalyon a saan a balansyado iti horisontal a pannakaiyaplag na, a nakadangranan ti pannakasustenir ken panagpalawa ti base a masa. Kamaudian na, kimsen ti suporta ti masa ken napaneknekan a saan a makaanay tapno masustenir kadagiti balligi a militar iti naladladaw a paset ti 1980s agingga 1990.

Nagserbi ni Ka Oris a maysa kadagiti katibkeran nga adigi ti Maikadwa a Naindaklan a Tignay ti Panagilinteg nga indeklara ti Komite Sentral idi 1992 a pasingkedaan ti basaran a Marxista-Leninista-Maoista nga ideolohikal a prinspyo ti Partido ken ti estratehiko a linya na iti demokratiko a rebolusyon ti umili babaen ti naunday a gubat ti umili. Natibker a timmakder laban kadagiti rebisyunista ken "Kannigid" nga oportunist a pakaibilangan dagiti dati a kadre iti Komisyon ti Mindanao nga idi agangay ket nagtraydor iti rebolusyonaryo a panggep. Kanyon na nga ibaga a saan a ti kabusor ti dandani nangduprak iti NPA iti Mindanao idi 1980s ken nasapa a paset ti 1990s, nu di ket ti bukod a kakapuyan ken saannga usto a desisyon ti NPA.

Iti napalabas a dua a dekada, indauluan ni Ka Oris ken dadduma a kakadwa ti Partido, NPA ken rebolusyonaryo a pwersa iti Northeast Mindanao region. Ti gubat ti umili ket ket nagdalluyon iti sapsap ti lima a rehiyon iti isla ti Mindanao bayat nga insayangkat ti NPA ti linya ti nairteng ken nasaknap a pannakigubat a gerilya basar iti lumawlawaw ken umun-uneg a base a masa.

Idi 2015, nadutokan nga agserbi kas maysa kadagiti kangrunaan a kumander ti Nailyan a Kuman ti Operasyon ti NPA kas panangbigbig iti abante a kapadasan iti panangi-



Espeyal na Isyu | Nobyembre 2, 2021

-  [instagram.com/prwc.official](https://www.instagram.com/prwc.official)
-  [@prwc\\_info](https://twitter.com/prwc_info)
-  [fb.com/cppinfo](https://www.facebook.com/cppinfo)
-  [cppinformationbureau@gmail.com](mailto:cppinformationbureau@gmail.com)

Ti Ang Bayan ket ipabpablaak ti Komite Sentral ti Partido Komunista ng Pilipinas dua a daras iti tunggal bulan

ruswat ti gubat ti umili iti isla. Idi 2016, nagakem ni Ka Oris ti importante a papel iti panangummong ti agarup sangagasut a kadre manipud iti amin a rehiyunal a komite ti Partido iti intero a Pilipinas tapno isayangkat ti istoriko a maikadwa a Kongreso. Iti Kongreso, ni Ka Oris ket nabatosan kas kameng ti Komite Sentral, iti Pultikal a Byuru ken iti Komite a Tagaipatungpal, ken nadutokan a maysa kadagiti dadaulo a kadre iti Komisyon ti Militar ken iti Komisyon ti Mindanao. Natudingan met a konsultant iti NDFP iti negosasyon iti kappia.

Kas lider ti Partido, inadal ken natibker nga inyaplikar ni Ka Oris ti Marxismo-Leninismo-Maoismo. Binusbos na ti panawen na iti panagbasa ken panagrepaso kadagiti klasiko a libro a pangmilitar nangruna dagiti sinurat dagiti naindaklan a lider komunista kas kada Mao Zedong, Ho Chi Minh ken Vo Nguyen Giap. Naanep nga inadal na ti pakasaritaan ken naballigi a kapadasan iti panangiruswat ti gubat ti umili iti malakolonyal ken malapyudal a pagpagilyan. Kanayon isuna nga umadadaw ti inspirasyon kadagiti nabanwar a dangadang dagiti maidadanes ken magungundawayan a dasig iti pakasaritaan.

Inbukbok na ti panawen ken pigsa na iti panangsanay kadagiti agkabanwag a kadre ken Nalabbaga a mannakigubat iti arte ken siensya ti gerilya a pannakigubat. Nagsurat kadagiti manwal ken kurso ti panangsanay para kadagiti upisyal ken mannakigubat ti NPA a pinabaknang dagiti napalabas ken baro a kapadasan iti panagisayangkat ti gubat a gerilya. Insigurado na a maurnong dagiti kadre ti Partido kadagiti dadakkel ken babassit a pulong, konsultasyon ken kumperensya nu sadinno a naanep a nangdengngeg, nagtalakay ken nakidebate kadagiti kakadwa. Nagna iti aadayo a distansya manipud iti maysa a larangan gerilya agturong iti sabali manen a larangan gerilya, tapno direkta mapaliw ti trabaho dagiti komite ti

Partido ken yunit ti NPA. Iti napalabas a tawtawen, nagrisgo nga aglibot iti arkipelago tapno mangted inspirasyon ken ibingay ti kaamuan na iti panangiruswat ti gubat ti umili. Kanayon na nga ibaga a nu maurnong dagiti kadre ken matasa dagiti rebolusyonaryo a trabaho da iti baet ti nainget nga operasyon militar ket dakkelen a gapuanan.

Ni Ka Oris ket napinget a mangisaksakit iti aglawlaw. Maysa kadagiti demonstrasyon nga inorganisa na kas aktibista ket ti maysa nga aksyon protesta laban iti maysa a kumpanya ti logging. Iti mano a dekada, indauluan na dagiti yunit ti NPA a nanglaban kadagiti dadakkel a burgesya kumprador a kumpanya a nangperdi iti aglawlaw. Insigurado na a makairuar ti pablaak iti tinawen nga Earth Day nangruna iti tengnga ti dumakdakes a krisis iti aglawlaw nga ituntunda ti anarkiya ti kapitalista a produksyon ken iti makadadael nga epekto na iti ekolohiya ti sangalubongan. Dinepensa na dagiti tignay ti NPA a mangperperdi kadagiti makina ken ramit nga us-usaren dagiti kumpanya tapno ramesen ken dadaelen ti daga ken ti umili.

Ni Ka Oris ket kanayon a nagakem ti prominente a papel iti publiko. Nadutokan kas maysa a representatibo iti National Democratic Front (NDF) - Mindanao iti negosasyon iti kappia iti gobyerno ni Corazon Aquino idi 1986-1987. Nagserberbi a tagapagsarita iti NDFP-Mindanao ken simmaruno iti Bagong Hukbong Bayan. Innala na ti nagan nga "Oris" manipud iti uliteg ken pangamaen na a ni Mauricio Ravelo, a nangpadakkel kenkuana manipud idi agtawen ti tallo. Malagip na a ti umuna nga interbuu na kas Ka Oris ket iti maysa a reporter ti Bombo Radyo idi 1978.

Kas tagapagsarita, adun ti nakasabat na a peryodista. Adu ti nagayyem na a reporter ken mannurat, saan laeng a gapu ta nagited ti interbyu kaanom a posible, nu di ket gapu ta kanayon a nadayaw kadagiti peryodista, uray kadagiti nalatak a

mangbusbusor iti rebolusyon. Napinget a sinuportaran na ti dangadang para iti wayawaya iti panagipablaak. Babaen ti panagpursige na, saan a sumagmamano laeng a peryodista ti nakaimatang ti nagdumaan ti rebolusyonaryo a tignayan iti imahe a "terorista" a pilit nga iladawan dagiti pudno a terorista---dagiti reaksyunaryo a pasista. Nakidiskusyon kadagiti peryodista tapno maipadannun ken mailawag iti publiko dagiti pannirigan ti rebolusyonaryo a tignay. Mapaneknekan dagiti reporter nga naikkan gundaway ti karisma ken kinapakumbaba na.

Pudno la unay nga iti laksid iti prominente a saad na iti publiko ken organisasyon, nagtalinaed ni Ka Oris a napakumbaba a rebolusyonaryo. Inwaksi na ti komportable a biag ken pinili na ti narigat a biag ti maysa a kadre ti Partido ken gerilya a mannakigubat. Nabaelan na a sanguen ti kondisyon na nga addaan sagubanit iti permanente a pannakadadael ti urinary bladder na (a gapu iti saan a naagasan nga impeksyon iti kaadda na iti pagbaludan), babaen iti istrikto a panangmentinar ti nadalus ken simple a panagbiag. Kinatawaan na laeng dagiti paulit-ulit nga ibagbaga ti militar a masakit isuna. Nagtalinaed a nasalun-at iti kabuklan ken nabaelan na a magna iti mano nga aldaw agingga kadagitoy nabiit. Dagiti agkabanwag a Nalabbaga a mannakigubat ket kanayon nga inpaayan ni Ka Oris ti inspirasyon, nga iti laksid iti medikal a kondisyon ken nataengan nga edad na, ket inlayon na a dalyasen ti narigat a dana ti gubat ti umili.

Ni Ka Oris ket nadungngo nga ama ti pamilya na, nasudi ti ayat na iti asawa na a ni Ka Maria ken kadagiti dua nga annak da. Kas kadagiti adu a rebolusyonaryo, inanduran da dagiti atiddog a panawen ti panagsisina. Ipapaay na ti kangatuan a panagraem ken Ka Maria, a dadaulo met laeng a kadre ti Partido.

Trinato na dagiti kakadwa iti nabara a panagtaripato, nangruna dagiti agtutubo. Inparikna na ti

awan-beddeng a pammateg ken panangisakit iti kakadwa ken masa. Inpasigurado na nga amin ket maaywanan a naimbag. Managanaw a kadwa isu a nalaka a pakilangenan ni Ka Oris. Ipatpateg la unay dagiti Nalabbaga a mannakigubat, dagiti masa a pesante, dagiti Lumad ken mangmangged kasta met dagiti nadumaduma a sektor iti syudad. Iti adu, isuna ket nadungngo a ladawan ti ama a mangisaksakit kadagiti dadakkel ken babassit man a pakaseknan ti kakadwa.

Ti ayat ti nalawa a masa ti mangmangged ken pesante ken Ka Oris ket batbatogan laeng ti gura dagiti dadakkel nga apo't daga, burgesy kumparador, kumpanya ti mi-

nas, plantasyon, kadagiti burukrata kapitalista, tiraniko ken diktador, ken kadagiti pasista a terorista a mangpatpatalinaed iti mangidadanes ken mananggundaway a sistema. Inaramat da amin a kinabaknang ken rekursu da tapno dadaelen ti imahe ni Ka Oris. Dagiti takrot ken awanan-bain a pasista ket agamammangaw iti panangrampak iti panangpapatay ken Ka Oris. Loklokuen da laeng ti bagbagi da iti panagipagarup a ti panangpatay da ken Ka Oris ket manggibus iti rebolusyon. Kuna met laengen ni Ka Oris, agtuloy ti rebolusyon gapu ta daytoy ket nainkalinteg.

Babaen ti panangegudas ti biagna, nagballigi laeng ti kabusor a

mapagtalinaed a sibibiag ni Ka Oris. Agnanayon nga agnaed isuna iti puso ken panunot ti umili a Pilipino kas maysa kadagiti banwar ken simbolo. Ti napigsa a pakinakem na iti rebolusyonaryo a dangadang ket agtululoy a maipaspagepsep iti baro a henerasyon dagiti kadre ti Partido ken agtulubot a Nalabbaga a mannakigubat. Agserbi daytoy nga inspirasyon kadagiti sumaruno a henerasyon a mangituloy iti dangadang para iti pudno a wayawaya ti pagilyan ken kagimongan, daga para kadagiti awanan ken nailyan nga industriyalisasyon, ken para iti panakaruk-at ti umili manipud iti amin a langa ti panangidadanes ken panaggundaway. AB

**Agbiag ti lagip ni Ka Oris!**

**Itag-ay ti silaw ti Marxismo-Leninismo-Maoismo!**

**Iyabante ti sagudayen ti demokratiko a rebolusyon ti umili!**

**Iyabante ti gubat ti umili agingga iti naan-anay a balligi!**

**Agbiag ti New People's Army!**

**Agbiag ti Partido Komunista ng Pilipinas!**

**Agbiag ti umili a Pilipino!**